

用適界各

楷小準標



行印司公書圖民三海上

例 言

- 一 本書可供學校機關及各界人士練習小楷之用
- 一 本書所有字數約計二千五百餘都係尋常習見與日用之字其生僻者概未列入
- 一 本書各字之結構筆法本於晉唐小楷而務求筆畫平正字體合乎現行楷法俾易臨摹而便實用
- 一 本書原稿腴潤挺秀行列齊整間有製版時爲手民攝製未甚完善之處學者臨寫時當加以訂正
- 一 本書僅係指導小楷寫法隨錄故重若干則學者不必深究其意義但於各字之結構筆法加意研習自可應用無窮



南北武康人朱泰家貧鬻薪養母適數十里以外易甘
旨以進戒妻子嘗候母顏色一日雞初鳴入山為虎所
攫負之而去泰已暝眩忽少醒厲聲曰虎為暴食我恨
母無託爾虎忽棄泰於地走不顧如人疾驅狀泰匍匐
而歸母持以泣泰亦強舉動不踰月如故鄉里聞其孝
感以金帛遺之目為虎殘

晉陳遺吳郡人性至孝母好食鐺底焦飯遺作郡主簿
恆裝一囊每煮食輒貯錄焦飯歸以遺母後值孫恩作

亂吳郡袁府君崧即日便進征遺已聚得數斗焦飯未
及歸家遂帶以從軍戰於滬瀆而敗軍人潰散逃走山
澤皆多餓死遺獨以焦飯得活人以為純孝之報也母
晝夜號泣目為失明耳無所聞遺還入戶再拜號咽母
豁然即明

南北韓懷明上黨人客居荊州十歲母患尸疽每發輒
危殆懷明夜於星下稽顙祈禱時寒甚忽聞香氣空中
有人曰童子母須臾自瘳無勞自苦未曉而母卒復鄉

里以此異之

南北滕曇恭南昌人五歲知孝母楊氏患熱思瓜非其時曇恭歷訪不得銜悲且行遇一僧問其故曰我有一瓜相遺持歸奉母舉室驚異之太守王僧虔引為功曹不就梁天監初表異之時號滕曾子

漢董永千乘人少失母獨養父流寓孝感父亡無以葬乃從人貸錢一萬曰後無錢還當以身作奴葬畢忽道遇一婦人求為永妻永與俱詣錢主令織縑三百疋以

償一月而畢辭永去乃曰我天之織女緣君至孝天帝
令我助君償債言訖凌空而去

晉解叔謙鴈門人母有疾夜禱聞空中語云須丁公藤
為酒便痊叔謙遍訪至宜都郡山遇老翁伐木問之曰
此丁公藤叔謙求歸漬酒母飲之疾痊

宋古諲曲江人母病頤瘡不能言諲夜虔奏告北斗忽
聞母大呼曰夢一道士執水盂以柳枝灑明日願消疾
愈後為本州安撫呼為古神孝

漢文漸資縣人事親至孝年七十持母喪負土成墳廬於墓側哀毀疾甚有白鳥白雀棲墓本木回翔悲鳴若助哀者鄉人勾文鼎自娶妻後與父離居覩漸孝行深自悔責號慟而歸孝養盡志觀感而化者甚衆

宋陳燾電白人瞽目十年紹興間母死將葬燾欲扶柩至壙人或止之燾曰母生我鞠我今日視入土燾忍以疾辭執紼一二里雙目頓開人皆異之

宋陳天隱字君舉蘭谿人端重好學父兄蚤喪事母以

篤孝稱母將葬時六月六日畏日如焚先期焚香禱乞
雲霧覆棺人皆哂之已而果應既窆雲散人皆異之

漢古初臨湘人光武時遭父喪未葬鄰家失火初匍匐
柩上以身捍火火為滅太守郵鄆異之首薦於朝

唐李迴秀事母至孝所居堂產芝草犬乳鄰猫中宗以
為孝感旌大門閭迴秀母本微賤妻叱媵婢母聞之
不悅迴秀即時出之或問何遽如此迴秀曰娶妻本以
養親今乃違忤顏色安敢留也

隋李知本元氏人涉獵經史事親篤至兄弟雍順子孫
百數庭無間言大業末盜賊過門不入且相戒曰無犯
義門往依者五百餘家

南北長孫慮母飲酒父真叱之誤以杖擊即死真為縣
囚執處以重坐慮列辭尚書云父母忿爭本無餘惡直
以謬誤一朝橫禍今母喪未殯父命旦夕慮兄弟五人
並冲幼慮身居長今年十五有一女弟尚始四歲父若
就刑交墜溝壑乞身代父命使嬰弱得蒙存立尚書奏

云慮於父為孝子於弟為仁兄尋情究狀特可矜憐詔
恕其父死罪

宋郭琮黃巖人少喪父事母極孝絕飲酒茹葷者三十
年以祈母壽母年百有四歲耳目不衰鄉閭異之至道
中詔旌其門母無疾而逝琮哀號幾乎滅性

唐支叔才定川人隋末荒饑母為賊執叔才告以情賊
憫其孝為解母病癰叔才吮瘡注藥及亡廬墓有白鵲
止其傍高宗表異其家

宋袁鎮奉化人養親孝謹百事備至雖顛沛不廢溫清之禮端平初父年七十病羸更盥禱勿驗乃一再割股和藥以進父病垂絕復存者十有五年異母兄有虐之者鎮友事益謹孝弟之稱益無間戴表元為作遷祔記以表其行

宋姜兼字大民七歲而孤與二兄養母至孝母死兼哀慕幾絕既葬獨居墓下朝夕哭奠荒山中躬自樵採一衰麻寒暑不易同里陳氏戴氏子不能事其父母聞兼

之行咸感悟愧悔皆迎親而養卒成孝子

宋龐天祐江陵人以經籍教授里中父疾天祐割股食之疾愈復病目喪明天祐號泣祈天舐之父年八十餘卒天祐負土封墓結廬其側晝夜號聲不絕真宗時詔旌表其門

唐劉師貞彭城人少年失母及長不記容狀至忌辰終日涕泣追慕廢寢食忽夢見母狀及覺哀號乃刻木為像敬事如生每有時新之物必先薦之而後食

宋詹惠明婺源人熙寧間父坐事當死惠明詣郡求代
罪曰無以報罔極恩有二弟足以養母願以身代父死
遂坐府門以大艾灼項明日趨庭斷右耳血出淋漓郡
守駭之以狀聞詔減父罪賜惠明錢帛

宋嚴希孟沿海人博文通史尤長於詩父文式早卒家
頗寒約母李氏御衆有法持家極嚴希孟惟母命是從
家日裕母自奉愈約希孟一如母心元祐三年母感癘
疾希孟憂藥弗效卜亦無驗密割股肉炊以啖母其疾

遂痊鄉人稱之母終喪葬如禮與人相接未嘗見其有
笑容

漢張孝沛國人弟禮遇歲饑饉禮養老母孝拾菜歸途
遇賊欲殺之孝叩頭云家中老母朝未得食乞命少時
歸家供訖卻來就死禮聞之先走賊所謂賊曰吾兄養
母辛苦羸瘦禮身肉多願代兄死孝至爭曰孝本遇殺
何故殺弟賊感二人孝友乃止不殺兄弟得免

唐主友貞河內人父知敬善隸書武后時友貞授麟臺

少監少為司經局正字母病醫言得人肉啖良已友貞
割股以進母病愈詔旌其門神龍中徵為太子舍人固
辭元宗在東宮表以蒲車召不至

南北王元規字正範性至孝事母甚謹晨昏未嘗離左
右梁武帝時有暴水流漂居宅元規惟有一小船倉卒
引其母妹并姑姪入船而去留其男女三人閣於樹杪
及水退俱獲全時人咸謂其至行所致

南北王彭直瀆人父母亡家貧無以營葬兄弟二人畫

則傭力夜則號哭鄉里並哀之墓處出淮五里荷擔遠
汲困而不周一旦大霧忽生泉水葬竟水便自竭詔改
其里為通靈里

唐王少元聊城人隋末父死亂兵遺腹生少元甫十歲
問父所在母以告即哀泣求尸時野中白骨覆壓或曰
以子血漬而滲者父尸也少元鑿膚越旬始獲負歸而
葬事聞拜徐王府參軍

宋林守威公安人蚤喪父事繼母曹氏甚謹曹卒未葬

鄰家火急守急升屋呼天果返風滅火卒無恙時人驚
為孝感

漢歐寶安城人居父喪鄰人格虎虎投其廬中寶以孃
衣覆之鄰人問寶寶曰虎豈可念而藏之乎後虎每月
送鹿以助祭時人以謂孝能格禽獸寶之謂也

漢張昭字德明陳吳郡人與弟乾性俱孝父卒兄弟不
衣錦帛不食鹽醋日食麥屑粥服終又喪母哀毀如之
家貧未得大葬遂布衣蔬食十餘年郡舉孝廉不就

南北張楚梓潼人母疾祈禱苦至截指自誓精誠感悟
疾愈元嘉中詔榜門曰孝行

南北張昇京縣人喪父哀毀過度形骸枯瘁聲聞鄉里
盜賊不侵其境州表以聞表標其門閭

漢顧翽吳人少失父事母孝母好食雕胡飯常帥子女
躬自採擷導水鑿山供養家近太湖湖中乃生雕胡無
復雜草郡邑表其閭舍

漢王昶為人謹厚名其子曰默曰沈曰渾曰深為書
戒之曰吾以四者為名欲爾曹顧名思義不敢違也夫
物速成則疾亡晚就則善終朝華之草夕而零落松柏
之茂隆寒不衰是以君子戒於闕黨也夫能屈以為伸
讓以為得弱以為強鮮不遂矣毀譽者愛惡之原而禍
福之機不可輕也人或毀己當退而求之於身若己有
可毀則彼言當矣無可毀則彼言妄矣當則無怨於彼
妄則無害於身又何報焉諺曰救寒莫如重裘止謗莫

如自修斯言善矣



國文國語教科用書

◀ 瞿世鎮主編 蔡元培題署 ▶

標準國音學生新字典·····	三角
標準國語新字彙·····	三角
國語注解國音日用字典·····	二角
模範作文讀本·····	四角
模範日記讀本·····	四角
假期作業日記·····	三角
寒假日記寫讀兩冊·····	二角半
暑期日記寫讀兩冊·····	三角
中學新作文指導·····	七角
小學新作文指導·····	三角
小學新日記指導·····	三角
國語應用文課本·····	三角
小學作文讀本·····	四角
小學日記讀本·····	四角
模範書信讀本·····	三角
中學模範作文·····	四角
模範作詞讀本·····	四角
盧冠六編國語指導(升學必備)·····	三角
新標準寫字課本(二冊)·····	三角
標準小楷(習字範本)·····	一角

最新寫字課本

每部兩冊 定價三角

半價發售 只售角半

本書依據二十一年十月教育部頒布的課程標準而編輯。足供高小學生或其他同等程度者練習書法之用。

本書編法，以日常習見的單字，編為有意義的短文，書信，柬帖，票據，標語，聯語等。並利用布置作業室，展覽成績等，使兒童在得到書寫文件的常識以外，又得增進練習時的興味。

本書對於寫字姿勢，筆墨用法，和筆順，結構，位置等，都很留意指導。

本書練習方法，參用臨寫和自由寫兩種。

中華民國二十四年四月再版

標準小楷（全一冊）

每冊實價銀壹角

△民國二十四年一月察內政部註冊▽

此書
有
著
權
必
究

寫者 周守經

發行人 吳拯寰

印刷所 上海齊物浦路洪興里
三明明印刷廠

總發行所 上海三民書局公司

呂班路蒲柏坊
六弄四十七號



中華民國廿五年四月

九日收到